

TE HŌHŌMURAA API

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matabiti hoê.

Nu. 8.

Atete 1929.

Mat. 23.

E faaho'i mai to Atua ra o Iehova i to oe ra tîrîraa i reira, e aroha mai oia ia oe, a haaputu mai ai ia oe mai te mau fenua atoa mai, ta to Atua ta Iehova i haapurara'tu ia oe ra. (Deuteronomi 30:3)

Te Faaroo no te Feia Mo'a Mau.

Ua iritihia teie nei parau na roto mai i te buka: "Te Hiro'a Faaroo" tei papaihia e Tamate Aposetolo; Faaanhia ei reo Tahiti e Elita.

HIRO'A FAAROO 10. *Te faaroo nei matou i te haapututupu-hua-raa o Iseraela, e i te faahoiraa mai o na opu ti-no ahuru i moe ra.*

TE HAAPUTUPUTURAA.

UIRAA 6. E putuputu faahou mai anei to Iseraela?

P. Noa'tu te faahaparaa o to Iseraela no to ratou haapao ore; e to ratou haapurararaahia i te mau vahi atoa o te ao nei; e to ratou hamani-ino-raa-hia; ua tauturuhia ratou na roto i te ite i te mau faufaa a te Atua no to ratou faatiamâ-raa-hia e to ratou haaputuputraa. No te mea ua riro te reira mau hamani-ino-raa ei utua no to ratou haapao ore, e te na ô maira te parau papai e, "O ta te Fatu e here

ra, o ta'na ia e aó mai, e e papai â oia i te mau tamarii atoa ta'na i ite maira."

Parau tauturu: Ua hamani-ino-hia to Iseraela e to te ao atoa nei, e ua moe te tahi no ratou i te ao; area ra, ua ite te Metua i to ratou vairaa e te opua nei Oia i te faahoí mai ia ratou mai te au i te parau Ta'na i faaite mai: "Ei reira, i te parahi-noa-raa ratou i te fenua o to ratou mau enemy, eita vau e faarue roa ia ratou, e ere hoi tau faufaa ia ratou ra: O vau hoi to ratou Atua ra o Iehova." (Levitiko 26:44) No reira ia haaputuputu faahou mai ratou e tia'i

Uiraa 7. Eaha te tahi no te mau parau tohu o tei haapapu mai ia tatou i te haaputuputuraa?

P. I te mau parau ta tatou i haapii no te haapurararaa i to Iseraela te vai atoa ra te parau no te haaputuputuraa i te taime e maitai ai ratou. "E faahoí mai to Atua ra o Iehova i to oe ra títíraa i reira, e aroha mai oia ia oe, e haaputu mai ai ia oe mai te mau fenua atoa mai, ta to Atua ta Iehova i haapurara'tu ia oe ra. Purara noa'tu â to oe e tae noa'tu i te motiraa mai o te rai ra, e ope mai â to Atua ra o Iehova ia oe, e tii â oia ia oe i reira." (Diut. 30:3-4.)

Te na ô mai ra te parau o Isaia e, "Ei reira Iehova e faatoro faahou ai i ta'na rima e faaora i te toea o to'na taata * * * E na'na e hopoi i te tahi tapao no te man fenua i nia ra; e na'na e haaputuputu mai i to Iseraela i faaruehia ra, e amui mai hoi i to Iuda i haapurarahia ra." (Isaea 11:11-12)

Te na ô maira Ieremia e: "A haere a faaite hua'tu i teie nei parau i te pae i apatoerau, a na ô atu ai, a hoí mai na, e Iseraela taiva e, te parau maira Iehova, e ore hoi au e hió riri atu ia outou: e aroha hoi to'u, te na reira maira Iehova, e ore hoi au e tapea tamau i te riri e a muri noa'tu. (Ieremia 3:12, A taió e tae noa'tu i te irava 18)

E ua papu hoi e, ei taua taime ra e riro te reira faahoí-raa ei parahiraa tumu, no te mea te na ô maira ta peropheta

ra o Amosa e, "E na'u ratou e tanu i to ratou ra fenua; e ore roa hoi ratou e iriti-faahou-hia i to ratou fenua ta'u i ho atu no ratou, te na reira maira to Atua ra o Iehova." (Amosa 9:15)

Uiraa 8. Eaha ta te ati Nephi i parau mai no te reira?

P. Ua faaau Lehi ia Iseraela i te hoé tumu olive e ua tapuhia te mau amaa haapurarahia'tura i te mau vahi atoa; i te hopea râ ua taaati-faahou-hia'i te reira mau amaa i te tumu raau. (1 Nephi 10:14,) a hió atoa e te Iakoba pene 5.

Te na ô maira Iakoba e: "Ei te mahana e faatoro faahou ai oia i to, na rima ia faaora i to'na ra mau taata, o te mahana faahopea ia te reira, oia ia, e haere faahopea mai ai te mau tavini o te Fatu ma to'na mana e faaapu e e tope i ta'na ra ô vine; ua fatata mai hoi te hopea i reira (Iakoba 6:2)

Ua na ô maira te tahi peropheta e; "E haapurarahia te ati Iuda i roto i te mau fenua atoa; oia ia, e pau atoa Babulonia, e e haapurarahia te Ati Iuta e te mau nunaa ê ê. E ia haapurarahia ratou, e ia tairi mai te Atua ia ratou i te mau nunaa êê ra, e ia hope te mau ui e rave rahi, oia ia, tera ui e tera ui, e tae noa'tu i te tau e riro ai ratou i te faaroo i te Mesia ra, i te Tamaiti a te Atua, e i te taraehara hope ore no te taata atoa, e ia tae mai taua mahana e faaroo ai ratou i te Metia ra, e e haamori atu hoi i te Fatu i to'na ra i'oa, ma te aau mâ, e te rima viivii ore, e e ore hoi e tia i atu â i te tahi Mesia, ei reira, ei taua ihora tau nei, e tae mai ai te mahana ia faaroo ratou i teie nei mau mea e tia'i. E faatoro faahou mai te Fatu i to'na ra rima, e te faatoro-raa piti ia, ia faahoí mai i to'na ra mau taata. mai to ratou moéraa e to ratou mairiraa mai. E na reira oia i te faatupu i te tahi ohipa maere e te umere i rotopu i te tamarii a te taata nei." (II Nephi 25:15-17)

E rave rahi atu â te mau parau no te haaputuputuraa i

roto i te Buka a Moromona, ua riro râ teie ei haapapu-â-raa ia tatou i te reira vahi e te vai atoa'tura te mau parau heheuraa o tei haapapu â ia tatou i teie nei mau mahana.

Uiraa 9. Eaha na huru haaputuputura i parauhia i roto i te mau parau papai?

P. E toru huru haaputuputuraa i parauhia nei, oia hoi:

1. Te hoíraa o to Iuda i Ierusalem.
2. Te faahoíraa mai o na ati hoé ahuru i moé ra.
3. Te anuiraa o te mau taata no Iseraela i Ziona, mai roto mai i te mau vahi atoa o te ao nei.

Parau Tauturu. aita teie mau mea i tanumerahia mai te au i to ratou tupuraa. Te ohipa numera toru ia te ohip rahi na te Ekalesia i teie nei mau mahana e na amui-atoa-hia te faahoíraa o na ati hoé ahuru i moé ra, i roto i ta te Ekalesia ohipa rahi. Ua faaite maira te hoé heheuraa e, ua faahoíhia maira te mau taviri, oia hoi, te mana no teie ohipa i roto i te hiero i Ketelani e na Mose te reira i faahoí mai ia Iosepha Semita raua Olive Taudere.

Ua na ô maira raua e, "Ua iriti-faahou-hia mai te raí i mua ia maua, e ua fâ maira Mose i mua i to maua aro, e ua horoa maira Oia i te mau taviri no te haaputuputuraa o to Iseraela mai na hopea mai o te fenua atoa ra, e te aratairaa o na ati hoé ahuru i moé ra, mai roto mai i te fenua i te apatoerau." (Buka Fafau 110:11)

Uiraa 10. Eaha te tumu mau no te haaputuputuraa?

P. Ua na ô maira te parau papai e, i te mau mahana hopea aita atu e vahi ora maori râ i Ziona; no te mea i taua taima ra e ninii mai ai te Atua i to'na riri rahi i nia i te ao nei; e no reira ia hinaaro tatou i te ora ia putuputu mai tato i Ziona e tia'i.

Parau tauturu: "No reira a faaineine outou, a faaineine outou, e ta'u mau taata e, a haamoá ia outou iho a haaputu mai outou, o outou o te mau taata no ta'u Ekalesia,

i nia i te fenua ra i Ziona, o outou atoa o tei ore i faauehia ia faaea rii aéna. A haere ê atu i rapae mai ia Babulonia. * * * A haere mai outou mai roto mai i te mau basileia ra, oia hoi, mai roto mai ia Babulonia, mai roto mai i te ino ra, oia hoi, o Babulonia varua ra.” (Buka Fafau 130:8-9:12-14)

Te reó teie uo te Fatu i te faaiteraa mai i te ravea e ora ai. Ua ite atoa Ioane i te reira a ora’i oia i nia i te fenua ra i Patamo: “Ua faauana maite maira te reó i te piiraa mai, na ô maira; Ua mairi Babulonia rahi e, ua mairi, e ua riro ei parahiraa demoni, e ei vairaa no te mau varua iino atoa, e ei ofaaraa no te mau manu viivii atoa e te faufau ra.” “Ite atura vau i te hoé reó no te raí mai â i te na ôraa mai e, A haere ê mai na outou i rapae, e au mau taata e, ia ore outou ia riro e rave atoa i ta’na ra mau hara, ia ore outou ia pohe atoa i to’na ra mau pohe.” (Apokalupo 18:2 4)

Uiraa 11. E mea nahea te tupuraa o te faufaa i fafauhia i nia iho ia Aberahama e o Iakoba o te na ô mai e, “e ei ia oe e maitai ai te mau fetii atoa o te ao nei?”

P. Ua tupu te reira na roto i te haapurararaa o to Iseraela i rotopu i to te ao atoa nei, no te mea ua rahi roa te mau haamaitairaa i fafauhia ia ratou, e i teie nei ua anoihia to ratou e ati noa’é i to te ao nei, e no reira e pee iho â ia te reira mau maitai i nia ia ratou o te anoihia i roto i to Iseraela na roto i te toto i anoihia ra.

Te vai atoa ra te tahi atoa ravea e maitai ai to te ao atoa nei na roto ia Aberahama, oia hoi, na roto Iesu ia Aberahama e ua farii tatou atoa i te maitai no tō’ua tarae hara.

Uiraa. E mea nahea te faahoíraa mai o na ati hoé ahuru i moé ra?

P. “E o te feia o te faaea i te mau fenua i apatoerau e haamanaóhia ia i mua i te Fatu, e faaroo hoi to ratou mau peropheta i to’na reó, e ore hoi ratou e faaea faahou, e taini

hoi ratou i te mato, e e hee noa te pape paari i mua i to ro
 tou aro. E aratia rahi hoi te faatupuhia i rotopu i te moana
 rahi nei. E riro hoi to ratou mau enemi ei tîti i mua ia
 ratou, e te mau fenua pâpâ mârô ra e tahehia mai ia i te
 mau hopuna pape ora; e ore hoi te fenua mârô e riro faa-
 hou ei fenua poiha. E afai mai hoi ratou i ta ratou ra mau
 faufaa o tei hau i te maitai ra, na ta'u mau tavini te tamarîi
 a Epheraïma. E rurutaina hoi te mau otia o te mau aivi
 e tia i te vairaa ra i mua ia ratou. I reira hoi ratou e topa
 ai i raro e faakoronahia atu ai i te hanahana, oia ia, i roto
 ia Ziona, e te rima o te mau tavini o te Fatu, oia hoi, te ta-
 marîi a Epheraïma; e e faaîhia hoi ratou i te sire e te oaoa
 mure ore. Inaha, o te haamaitai teie o te Atua mure ore i
 nia i te mau opu o Iseraela, e te maitai i hau roa aé i nia ia
 i te upoo no Epheraïma e to'na ra mau hoa." (Buka Fafau
 133:26-34)

E na roto i teie nei parau ua papu ia tatou e, ia faatia-
 hia Ziona na mua e tia'i, ia nehenehe ia ratou ia haere i
 reira e parahi ai.

Petero E Ta'na Mau Taeae.

Te ohipa mana matamua i ravehiâ e te mau Aposetolo,
 o te maitiraa ia i te hoé, ei monô no Iuda Itariat, o tei taiva
 e o tei pohe atoa.

I te hoé aporaa ua faaite Petero i te mau pipi e mea tia
 ia maiti ratou i te hoé taeae no rotopu ia ratou ia riro oia ei
 Aposetolo a Iesu. Ua faaite atoa'tura oia ia ratou e, ua
 tohu-ê hia'na e taiva Iuda. E ua faaite oia i te huru mau
 o te taata i hinaarohia ei monô i roto i te pupu Aposetolo.
 Ua pure ratou i te Atua ia tanturu ia ratou i teie ohipa, na
 ô atura; "E te Fatu o tei ite i te aau o te taata atoa nei, e
 faaite mai oe i ta oe i hinaaro i eie nei pue taata, ia rave
 atoa oia i teie nei toroa i te Aposetolo, i mairi ia Iuda i te
 hara, ia tae oia i to'na ra vahi mau. Ua tuu ihora ratou i

te kelero, riro atura te kelero ia Matatia; amui-atoa-hia maira oia i te mau Aposetolo tino ahuru ma hoé ra."

Na roto i teie nei mau parau ua ite tatou e, ua papu roa i te Tino Ahuru ma Piti Aposetolo e, tei ia ratou te ohiparahi, oia hoi. ia poro haere ratou i to Iesu i'oa i te mau fenua atoa, e e faatia i ta'na Ekalesia i te mau vahi atoa mai te hohoá ta'na i vaiho mai ia ratou ra. E ua papu atoa ia ratou e, ia vai tamau te Tino Ahuru ma Piti e tia'i. Aita e nehe-nehe ia ratou ia faarahi, e aita atoa e nehenehe ia ratou ia faanainai, e hoé â huru ra taata mai te au i te hohoá i horoahia ia ratou e Iesu Mesia.

I te tau no te Penetekose ua tairuru te Tino Ahuru ma Piti i te vahi hoé e mai te aau hoé atoa, ua pure ratou a tiaí ai ratou i te hoé mana no te Rai mai, mai tei faaitohia e Iesu. A parahi ai ratou i reira ua tae mai taua Varua Maitai ra mai tei faaitohia i roto i te Ohipa 2;2-4. "E aore i mahia o te haruru maira no nia mai i te raí mai te mataí rahi uána ra, i roa aéra te fare i parahihia e ratou ra. Ua fâ maira te arero maa ia ratou ra mai te ahi ra te huru, e faaea ihora i nia iho ia ratou atoa ra, e i aéra ratou atoa i te Varua Maitai, ua parau ihora i te parau eê, i ta te Varua Maitai i horoa mai i te parau ia ratou ra."

E faaroo a'era te mau taata i te maniania tairuru ihora ratou i taua vahi ra, e faaroo atura ratou i te parau ta te mau Aposetolo i parau mai i to ratou iho mau reó, maere ihora ratou e na parar ratou e; "Inaha, e ere anei ratou e parau nei i to Galilea ana'e? Eaha ra hoi teie i ite ai tatou atoa nei i to tatou iho mau reó i te parauhia nei?"

E rave rahi te mau taata o tei faaroo i ta ratou parau. Te tahi pae ra, ua manó e, ua taero te mau Aposetolo. Ua na reira Satani i te rave i ta'na ohipa. Ua tia Petero i nia e ua na ô atura; "E te mau ati Iuda nei, e te feia atoa e parahi i Ierusalema nei, ia ite mai outou, a faaroo mai na outou i ta'u nei parau. Aore hoi teie mau taata i taero i ta

outou e manaó na, o te toru â hoi teie o te hora i teie nei manahana." Te hoé ia peu no te ati Iuda teie, oia hoi, ia haapae ratou i te ava ia oti a'era te pureraa i te hora iva i te poipoi.

Ua faahapa'tura Petero ia ratou na ô atura; "Oia ra i tuuhia mai ia outou i te opua mau e te haapao-atoa-raa a te Atua, i noaa'i ia outou, faatatauro ihora, e taparahi pohe roa'tura i te rima o te haapao ore ra. Oia hoi, ta te Atua i faatia a'enei, ua matara hoi ia'na te tapea ra o te pohe, e ore roa hoi oia e mau i te reira." E faahou, "E teie nei, ia ite atoa te fetii o Iseraela e, ua faariro-mau-hia oia e te Atua ei Fatu e ei Mesia, o Iesu mau nei â ta outou i faasatauro nei."

A faaroo mai ai ratou i ta'na parau ra, na ô maira ratou ia'na e; "E te mau taeae nei, eaha matou nei?" Ua parau atura Petero ia ratou; E tatarahapa, e ia bapetizohia outou atoa i roto i te i'oa o Iesu Mesia ia matara te hara, e horoahia mai ia te Varua Maitai ia outou."

Faaauhia ei re'o Tahiti e Gihoti Borobiti.
(Tuatihia teie nei parau.)

Te Faaipoiporaa.

"E te parau faahou atu nei au ia outou, o tei faaore i te faaipoiporaa, e ere ia i te mea i faatiahia e te Atua; Ua haapaohia hoi e te Atua ei faaipoiporaa ta te taata."
(Buka Fafau 49:15)

E ere ia te faaipoiporaa i te mea i faatiahia e te taata nei, no ô mai ra i te Atua ra te reira oroá. Mai te mea e, no te Atua mai taua ture nei, e hiopoa faahou tatou i ta'na huru mau ia ore ia hape to tatou mau manaó. E ohipa tu-ra mau te faaipoiporaa, e te taata tei tae i to'na paariraa, e o tei ore i faaoti i taua ohipa ra, e ere roa ia oia i te taata tei farii i te mau ture no te Evanelia. E ere atoa ia teie oroá i te mea i faatiahia ia au anaé i te taata e i to'na ra mau opuaraa e to'na ra mau manaó

ia nehenehe noa ia'na ia faaipoipo e ia oti a faarue ai i ta'na vahine e a rave faahou ai i te tahi e a na reira noa'i. Te vai ra râ te mau utuá rarahi te haere roa i muri i te tia-faahou-raa, no te mea na roto i te faaipoiporaa e fanauhia te taata i nia i te ao nei. Ahiri i faaorehia taua oroá ra ua faaore-atcahia ia te mau opuaraa a te Atua, e ua mono mai te ohipa taiata no te ohipa ma e te viivii ore.

Te vai ra te utuá rahi no te tane e te vahine tei mono i te Atua no te faafanauraa i te varua i nia iho i te fenua nei. Ua ô raua i roto i te hoé ohipa o tei ore e mou vave e no reira te Atua i parau ai i taua oroá moá nei na roto i te tuuraa i te mau faautuáaraa etaeta. Ua riro te faaturi ei hara rahi roa, e ua au hoi i te taparahiraa taata. E te taata o tei faafanau i te tamarii na roto i te tiamâ, e utua rahi e te maitai hoi to'na.

Te titau úāna mai nei te Atua ia mâ te vahine e hoé â hoi ta'na titaúraa i te tane. Mai te mea e mâ te tane i ta'na ra mau haapaoraa e mâ iho â te vahine. Ua horoa'toa mai te Atua i te ravea e mâ raua toopiti i roto i ta raua mau ohipa ra, e taua ravea ra o te faaipoiporaaia.

E teie hoi ia te tahi mea, oia hoi, na roto i te haapaoraa i teie ture e roaa te oaoa. Ia roaa te tamarii i na metua e riro oia, e aore ra ratou, ei tumu mau no te oaoa. Ia fanauhia te tamarii na roto i te faaipoiporaa ua riro mau oia ei huaai no na metua o te fanau ia'na, e ia ruau te metua te vai ra te mono no te mau ohipa atoa ra. Ua papaihia e; "Ua hiá Adamu ia vai te mau taata, e te vai nei te mau taata ia noaa to ratou oaoa." Hoé noa iho ravea e vai noa'i te taata, oia hoi, ia faaipoipo te tane i te vahine, e ia fanau raua i te tamarii ei mono no raua a pohe ai raua. Na roto hoi i te haapaoraa i te mau faaueraa e roaa te oaoa, ia haapao ore râ i te hoé ture rahi mai te ture no te faaipoiporaa, e noaa te oto. A imi tatou i te oaoa mau, e a farii i teie ture ei aratai na tatou.

Papaihia e Mati

Te Mau Parau Apî

E mea maoro ta te taata haapiiraa i te maueraa a te tahi mau manu o tei mauē noa ma te ohipa ore. E i te hopea ua itehia e, na te pororo i roto i te matai ratou i afai i nia, Na roto i taua ite ra ua hamanihia te tahi mau pahi reva ma te machine ore. E noa'tu to tatou maere i te reira, te mauē noa nei te mau pahi reva aita to ratou e machine e aita hoi e rapa no te puturaa ia ratou. Ia haamatahia te hoē pahi reva mai teie i te huru, ua afaihia te reira i nia i te hoē aivi, e na te mau taata iho i puto i te pahi no te haamataraa. Ia tae ra i roto i te reva ua mauē noa ia mai te manu i te huru e ia farerei i te tahi pororo matai e aore ra te hoē puahiohio maru na te reira i afai ia'na i nia, e ia faaterehia te pererau roaroa mai ta te manu i faatere i to'na, hoē â te huru o to raua maueraa. I roto i te mau haapiiraa i te fenua Purutia, te haapiihia nei te mau tamarii tamaroa i te faatere i teie huru pahi reva, e ua tarahuhia te mau orometua ite e haapii ia ratou. I te matahiti i mairi i muri ia tatou, ua tae te rahiraa o te mau tamarii tei haapii i teie ohipa i te toru o te tanasani, e e mea rahi roa te mau pahi reva machine ore tei faatereterehia i Purutia i teie mau mahana. Tei ia ratou hoi te rê no te reira huru ohipa, e na roto i to ratou itoito, ua faaea te hoē no ratou i roto i e reva hoā ahuru ma maha hora e hitu minuti. Ua tae te tahi e pititauasani avae i nia ae i te vahi ta'na i haamata. Teie hoi te huru o te hamaniiraa o te reira mau pahi reva. E pererau māmā e te roaroa, e tae te tahi i te pae ahuru pie i et roa. E mea māmā atoa te tino o te pahi; aita e machine, aita e mori gasoline, aita te hoē mea e faateiha i te pahi.

Ua maere te mau taata i te ohipa i ravehia e Doyle Twitchell te hoé tamaiti api roa, hoé ahuru ma pae to'na matahiti. Te noho ra oia i Utaha i te oire ra i Beaver. Te hoé mahana ua fiu oia i te haapiiraa, e ua hinaaro oia ia haere i te mouá. Namua ra ua faaineine oia i te hoé ohipa arearea na'na, oia hoi, te hoé herepata na te liona taihai. Haere atura oia e faanehehe a'era i te herepata i roto i te aihere. Te mahana i muri iho ua hoí faahou oia i te vahi ta'na i tann i te pata. I reira ua ite oia e, ua mutu te fifi e ua ora tei mau i roto i te pata, ua itehia ra ta'na eá no te raauere marô i nia i te fenua tei hautihia e te herepata e te fifi. Ua pee te tamaiti i muri iho i te liona, e ite atnra ia'na i roto i te hoé uru raau. Ua faaotihia te ohipa e te hoé ofai pupuhi. I muri iho i te reira ua afaihia te liona i te oire i nia i te puaa horo fenua, e ia faitohia, e vau ahuru ma pae to'na kilo.

Ua itehia te hohoá no Oscar G. Nordman i roto i te hoé vea Marike tei papaihia i te oire ra i Los Angeles i te piti ahuru ma pae no Me. Ua faaitehia te hnru no to'na tere i Amerika e te ohipa i ravehia e ana. E rave rahi te mau hoa tahito ta'na i farere i rotopu i te mau taata hamani hohoá i te oire ra i Hollywood. Ua faaite atoa mai taua vea nei i te hoé parau api ia tatou, oia hoi, te opua nei te tahi mau taata Marite i te faatia i te hoé fare hotela rahi e te nehehehe i Tahiti nei. Na roto i te mau hohoá nehehehe i nenehia i ô nei, e tei faaitehia i roto i te mau fare teata i Amerika, te ite nei te mau taata e, e vahi nehehehe mau teie, e te hinaaro nei ratou ia ite matai te mau vahi nehehehe i Tahiti nei.

Ua faaite-noa-hia i roto i te mau vea no Amerika mai i te parau no te faaipoiporaa o Lindbergh (te taata faatere pahi reva o tei faatere i te pahi reva mai Amerika atu i Farani i te matamua ra.) Ua manaó te mau taata e faaipoipo oia i roto i te avae Tiunu, e ua opua te mau hoa i te hoé faaipoiporaa rahi no raua. No to Lindy ra hinaaro ore i te putuputuraa fetii e te mau tamaaraa rahi, mai tei matauhia e te mau taata, ua faaipoipo tapuni noa raua i roto i te avae Me. I muri iho i to raua faaipoiporaa ua horo raua i roto i to raua pereoo uira, e mai reira mai â aita raua i te faahou-hia. Te manaó nei ra te mau taata e, ua reva raua na nia i te pahi no te hoé hoa no raua.

E hitu hanere taata i pohe a paapaa ai te hoé pahi auahi Iapone i tua. Ua tamata noa e maha ahuru ma toru mataro e te mau horopatete ia tupohe i te auahi. I to ratou ra iteraa i te reira, ua tupu i te rahiraa e aita atura i nehe-nehe ia ratou ia tupohe i te auahi. Ua pohe te mau taata atoa i nia i taua pahi ra. E Iapone te mau mataro, te mau taata horopatete ra, ei mau taata Rutia ia. Ua tae te parau radio i Tokio tei faaite i te parau api no teie nei pahi, aita ra i faaitehia te tumu no te haamataraa, e i teie nei â aita i itehia te tumu no te tupuraa o te reira ati. O Wogu Maru te i'oa o taua pahi ra.